

Mbanjlajdonh miz cib geij ranz vunz, cungj dwg bouxlaux caeuq lwgnyez youq. Baihlaeng Mbanjlajdonh seiqmienh cungj dwg ndoi, daih' iek miz sam bak lai moux gvangq.

Mbanjlajdonh miz dah ndeu heuhguh Dahcinh, 13 bi lai, vunz maj ndaej gvai, gig dwggyaez. Bohmeh Dahcinh bae rog dajhong, ciengzgeiz mbouj youq ranz. Dahcinh caeuq daxbuz youq ranzmbanj gvaq saedcej. Dahcinh gig gaenxhong, saeg buh, cawj gwn, rwed byaek, gip fwnz.....yienghyiengh rox guh.

Miz ngoenz singgeizroek ndeu, Dahcinh gwed hanz hoij cag dawz liemx gag boux ndeu bae gwnzndoi laengmbanj gip fwnz. De daeuj daengz gwnzndoi baez yawj, yo, diegndoi gvangqlangh neix ndoqndangndang. Dahcinh gag ngeix: "Gij diegndoi neix dawz daeuj ndaemfaex liux bae, geijlai ndei ha!" Dahcinh raen laj dinndoi baihhaenx miz geij gyaz oen hung, de couh byaij gvaqbae yawj, Dahcinh raen geij gyaz oen haenx gaenq deng vunz raemj goenq youq gizhaenx, de angq raixcaix, sikhaek cuengq hanz beiq cag daeuj rom fwnz. De riu naeuz: "Ngoenzneix gou canh lo." Dahcinh ngamq dauz ndaej boek fwnz ndeu, sawqmw h miz boux sai hung ndeu gwih cimozdoz daeuj daengz henz de. De baez doeksaet, suk fwngz lau gip fwnz lo. Boux sai haenx naeuz: "Dahniq, gij oen neix dwg gou raemj, gou mbouj aeu, mwngz aeu liux bae. Gou raemj oen bae yaek ndaemfaex." Dahcinh mbouj ndei eiqseiq naeuz: "O, dwg yienghneix, docih daxaul!" Dahcinh dawz fwnz mbiengj ndeu bae cuengq, boux sai haenx couh deu oen comz guh boengj ndeu, diemj feiz coemh bae lo. Ngoenzhaenx, Dahcinh gungh aeu ndaej sei rap fwnz dauqranz. Daxbuz haenx de aeu fwnz caen ak, lij daengq de aeu haeujsim ancienz.

Gvaq 20 lai ngoenz, youh

sawcuenh dinj

Aeu Fwnz

拾 柴 火

□Hoz Cunghliuj / 何宗柳



daengz ngoenz singgeizroek lo, Dahcinh gwn haeuxromh le, youh bae aeu fwnz. De daeuj daengz gwnzndoi laengmbanj baez yawj, raen gwnzndoi lajndoi cungj ndaem miz faex lo, doxvang doxsoh gogo doxcingq, lumj baenz aeu maesienq bengq gvaq cij ndaem nei, de haenhcwdcwd, hozhaenz dangqmaz. Dahcinh raen laj dinndoi baihhaenx dingz miz geij aen ci, henz ci miz cib geij boux ganbu cimyawj seiqmienh ndoi, cimyawj gij faex ndaem ndaej caezcingj haenx lwnhgangj gijmaz. Dahcinh couh byaij gvaqbae yawj nauhyied. De raen miz boux lingjdauj sangngau ndeu bongx mbaq boux ndeu naeuz: "Lij yanghcangj, mwngz guh ndaej ndei, sam ngoenz seizgan

couh dawz 300 lai moux diegndoi ndaem rim gofaex, caen liux mbouj hwnj!" Boux yanghcangj haenx naj riunyumnyum, angq dwk gaem fwngz boux sang haenx naeuz: "Docih lingjdauj gvansim!" Boux lingjdauj haenx cienq naj gvaqdaej raen Dahcinh, couh doiq Dahcinh naeuz: "Dahniq, mwngz daeuj aeu fwnz ha, gaenx hong bw, gig ndei ha. Baihndoi haenx miz hauilai nyefaex, dwg daj gwnz gofaex ndaem haenx lwt roengzdaej, mwngz bae aeu baema dwkfeiz cei ndei lo." Dahcinh angq naeuz: "Docih bohlungz, gou couh bae aeu!" De gangj sat couh bae aeu fwnz lo. Ngoenzhaenx, Dahcinh youh gip ndaej geij rap fwnzndip ndwi.

Youh gvaq ndaej 20 lai

ngoenz, dwg ngoenz singhgiz ndeu, Dahcinh youh bae ndoi aeu fwnz. De daeuj daengz gwnzndoi laengmbanj, raen youq laj dinndoi baihhaenx, miz geij aen ci caeuq geij boux ganbu vix seiqmienh ndoi cingq gangj gijmaz. Dahcinh couh roengzbae yawj nauhyied. Mbat gonq boux lingjdauj sangngau haenx lij roxnaj Dahcinh, de raen Dahcinh le, couh byaij gvaqdaej bek mbaq Dahcinh naeuz: "Ngoenzneix youh miz daihbaj fwnz hawj mwngz aeu lo." Dahcinh daengx hung song cehda cam de: "Fwnz youq gizlawz?" Boux lingjdauj haenx naeuz: "Gyae youq bienmbwn, gyawj youq dangqnaj. Mwngz bae ciemz gofaex ngamq ndaem roengzbae haenx couh dwg lo." Dahcinh couh yut go faex ndeu hwnjdaej, baez yawj, de doeksaet liux, daihsing naeuz: "Aeya, aeu nyefaex daeuj baek ha, cungj faex neix mbouj miz ragfaex baenzlawz ndaem lix ha, dwg boux lawz guh saehndip neix? Daengx ndoi faex cungj dwg nyaenx ha?" Dahcinh siengj mbouj doeng, nanzdauh gyoengq bouxlaux mbouj rox gofaex mboujmiz rag ndaem mbouj lix ma? Boux lingjdauj haenx naeuz: "Dwg nw, 300 lai moux diegndoi cungj dwg baek nyefaex, mwngz ndaej ciemz sat bae, dawz bae ma dwkfeiz." Boux sangngau haenx youh doiq bouxsai henz ndang de naeuz: "Ndwen gonq, yanghcangj sou heuh daengx yangh ganbu caeuq song aen cunghyoz saeseng aeu nyefaex daeuj neix 'ndaem', baihgwnz daeuj genjcaz gvaq le, raen de ndaem miz baenzlai faex, sicwngfuj ciengj hauilai ngaenz hawj yangh de. Seizneix, de boihseiz lo, geij ngoenz gonq, miz vunz gauq de daengz sicwngfuj lo. Ngoenzneix dou daeuj neix cazyawj rox caengyaj lo." Dahcinh youq henz dingq daengz gij neix, doeksaet liux.

Dahcinh yienznaeuz youq gwnzndoi ciemz ndaej hauilai nyefaex, hoeng, sim de cix mbouj angq saek di.

Sam boux vunzak vunzguhnaz Cauzsan daengz Canghvuz Yen Sizgyauz Gunghse Cuzveiz Swnghcanjdui le, ndaem ndaej 2 moux 7 faen nazyienghbanj. Gyoengqde sijsaeq son gij dinfwngz dajndaem, naihsim gangj gij dauhleix dajndaem hawj gij seyzeng gaenban haenx. Miz ngoenz ndeu ndaemnaz, mbwn nitsizsiz, banringz youh fwn doek, gij hauxseng gaenban haenx naeuz: "Fwn doek lo, ngoenzcog caiq guh goj mbouj ceiz!" Saefouq Cauzsan naeuz: "Mbouj baenz!" Lij gangj le sam diuz leixyouz hawj gyoengqde: Daih' it, gij go' gyaj ngoenzneix yut ndaej haenx, ngoenzneix mbouj ndaem, caj daengz ngoenzcog cij bae ndaem ne cix rox sieng gij yienzheiq go' gyaj; daihngeih, gaiq naz ndeu dangngoenz ndaej ndaem doh, go' gyaj cij maj ndaej caezcup, cij baenz ndaej doengzseiz, mboujnex cix camjca mbouj caez,

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

yingjyangj canjliengh; daihsam, ndaemnaz gangj geiqciet, danghnaeuz baez bungz fwn doek couh mbouj ndaem lo, seizlawz cij ndaem ndaej liux! Gij hauxseng gaenban haenx simfug bakfug, gig souh gyauyuz. Miz mbangj seyzeng nyinhnaeuz, vat luengq baiz guenq dwg sai naz. Gyoengqde naeuz: "Yienghneix guh mbouj dwg sai naz. Mbouj vat luengq, raemxnaz guenqlinz guenqdumh, namh goj gyot, youh sai bwnh. Vat luengq le, ngaih baiz ngaih guenq, youh ndaej

baujraej baujbwnh, youh ndaej ndaemraemx guenqgaiq, baiz raemx dak naz." Seyenz rox gijneix cungj dwg gij cosih youqgaenj demcanj haenx le, cungj haengj bae hag. Gij saefouq dajndaem Cauzsan ndaem liux gij nazyienghbanj le, ndwen lai le go' gyaj heuyauyau, maj ndaej caezcupcup. Daihgya cungj gig saenqfug gij dinfwngz ndaemnaz gyoengqde.

Bozbowz Yen Fusanh Gunghse miz aen swnghcanjdui ndeu heuhguh

Cuzveizdangz Swnghcanjdui, gaijfang goxgonq mbouj guh gvaq suiqli, vunzlai bonjdieg naeuz: "Haeuxcaeux 8 daeuj, haeuxlaeng 2 sig, vuenheij yaek dai." Gaijfang le guh ndaej Sanhdangz Suijgu, bi 1963 mouxcanj ndaej 535 gaen. Bi 1964, doigvangq cehndei, dem coq bwnh linzfeiz, danfeiz, mouxcanj ndaej 856 gaen. Gyoengqde laihnaeuz, yienghneix cix suenq dwg dingj lo, caiq siengj swng hwnjbae, nanz gvaq yien vaiz hwnj faex.

(caengz sat)